

Communicaziun allas medias digl cumegn da Surses e dalla Turissem Savognin Bivio Albula SA

(nr. 1-2021)

Surses: Surveiver sainza stress - animals selvadis dovran pôss

Animals selvadis èn durant igl taimp d’anviern cunzont scleders. Disturbis ainten lour ambiaint èn magari mortals. Percheigl ègl da gronda impurtanza tg’igls animals possan veiver an lour spazis d’abitadi d’anviern an quietezza e tgi els na vignan betg disturbos digls carstgangs. Las zonas da pôss per selvaschigna èn da respectar absolutamaintg.

Per surveiver igl strantg anviern dovran igls animals selvadis spazis da refugi, noua tgi els n’èn betg disturbos. Gl’è betg lubia agls carstgangs d’antrar ainten las zonas da pôss u alloura angal sen veias marcadadas. Tgangs ston neir manos alla tschinta. Chellas restricziuns èn d’impurtanza existenziala pigls animals selvadis. Giradas a pe u cun gianellas, freeriding cun skis u cun l’essa n’on pers navot ainten las zonas da pôss per selvaschigna.

Tschervs e capriouls tuegian d’otra maniera durant igl taimp d’anviern; els redutgeschan igl metabolissem, igl puls e la temperatura digl corp e dovran uscheia angal fitg pac pavel. Chegl vo pero angal schi els pon sa reparteir ainten lour spazis da veiver e schi els vignan lascheas cun pôss consequentamaintg. Las zonas da pôss per selvaschigna èn d’impurtanza existenziala pigls animals selvadis. Gio en viandant cun gianellas tgi s’avischigna anetgamaintg pò esser problematic pigls animals: ena fugia caschungas stress e costa blera energieia tgi mantga pi tard per surveiver; igls animals èn smanatscheas da mureir dolorosamaintg dalla fom.

Disturbis aint igl spazis da veiver ed igl carmalar igls animals cun munts da cumpost, starlers u pavel da menaschis purils catscha mintg’onn tschents d’animals agl manivel da veias cun traffic, noua tgi els sa disgraztgan. Maseiras d’ageid bagn managedas scu pavlar fò agls animals ple donn tgi etel. Igl scumond da pavlar è percheigl raschunevel e vala ossa scu adegna.

Igls abitants ed igls giasts da Surses vignan percheigl ordinos d’observar las zonas da pôss per selvaschigna marcadadas. Er ordvart las zonas da pôss duess neir piglia risguard cun betg antrar an spazis noua tg’igls animals selvadis stattan durant igl anviern. Possessours da tgangs duessan manar lour animals alla tschinta er ordvart igls territoris abitabels, uscheia tg’igls tgangs ni disturban ni catschan igls animals selvadis.

Infurmaziuns:

Leo Thomann, mastral (e-mail: leo.thomann@surses.ch, Tel. 079 405 96 73)

Armando Janett, guardiatgatscha (e-mail: armando.janett@ajf.gr.ch, Tel. 079 444 87 02)

Annexa

– Placat “Quatter reglas per duple nateira”

Tinizong, igls 29-01-2021

Vier Regeln für mehr Natur

— 1 —

**Wildruhezonen und
Wildschutzgebiete beachten**

— 2 —

**Im Wald auf Wegen und
bezeichneten Routen bleiben**

— 3 —

**Waldränder und schneefreie
Flächen meiden**

— 4 —

**Hunde an der Leine führen,
insbesondere im Wald**



Weitere Infos zu Schneesport mit Rücksicht:
www.respektiere-deine-grenzen.ch

«Respektiere deine Grenzen» ist eine Kampagne zum Schutz der Wildtiere, getragen von Sport, Handel, Tourismus, Naturschutz und Jagd. Sie wird unterstützt durch die Mitgliedorganisationen des Vereins «Natur & Freizeit» und durch das Bundesamt für Umwelt BAFU.

N&F Natur & Freizeit

